

Wapiyaro' Kareta Pi'ta Winipaino

Ekamanin

Wapiyaro' Kareta Pi'ta Winipaino usenno'sa' Kuri'san amu' ena', "Papa nanamu'san ka'pon amu'" tukai' tesa'san, iye'ta'nu'sa' kon wai enu uyepu enwo'netu winikui' Eisa Mure'pu pi'. Eke kuru imenukato' ipikiri esi, imenu ennin nan pori'manin pe, kamo isi pe tukota'mato' kon miri awonsi'ki e'ne' moronka pi' na'ne' nan apurito' to' uya wenai. Imenukanin uya tunmenuka'pu ennin nan emiya'ponti waku Sises Kurai ekareei pi', iyeri'to', iye'mu'sa'kato' miri awonsi'ki tauye'to' pi' isauro'sa' ru'pu to' e'ku'to' ke to' repa. Seri weyu yau nin si to' uya e'ne' moronkato' tauya'nokon ananto' pe miri awonsi'ki imoronkato' pe, i'tui'ma apurito' tauya'nokon pe' esi i'napairon pe tukai' ti'tu kon tukai', miripan kon e'mato' oton, "Sises Kurai usenpoika weyu a'tai" (1:7).

Ekamun yau to' esi koro'tau to' pori'mapitu tauya pokon pe, imenukanin uya tunmenuka'pu ennin nan apiyonti to' uko'manto' pe Kurai iwano' ton ka'pon amu' pe.

Iyawon Ekamanin

Ekamanin (1:1-2)

Papa uya pika'tin nito' pi' emiya'pontan (1:3-12)

Auro'kan waku pe iteseru uko'man nito' pe (1:13—2:10)

Kuri'san pe e'ni turawasooi e'ne' moronka a'tai (2:11—4:19)

Kuri'san pe e'ni e'to' mi pe te'ku'sen pe para miri awonsi'ki iyapiyo' pe (5:1-11)

Iu'matu (5:12-14)

1 ¹Sises Kurai ekareei ekamai' enno'sa', Pi'ta, winipaino,

Iye'ta'nu'sa' kon, ka'kuran amu' non awiron kon Pontas, Kare'siya, Ka'pato'siya, Eisa Mure'pu miri awonsi'ki Pi'tiniya pon kon, Papa nanamu'san enakan, ²Papa, Ikuipunu nanamu'san pena ri, Ita'kwaru e'turawasoma wini inkoneka'san waku pe, Sises Kurai munu e'pasinpasinma ke miri awonsi'ki imaimu awiron kon pe:

Tiwi waku nonkasa' miri awonsi'ki tausewankamai' para e'nito' nesii ipiyau'nokon miyari ri.

Papa Apuripitu Nurinan Pe E'ku'nito' Esi Pi'

³Apuripito' nesii, Papa, uyepuru kon Sises Kurai Kuipunu iwano' pe! Eke pe isentu'kena' pe tesi pi' urepasa' iya 'nokon emenna' pe entun nito' ke nurinan e'ku'nito' ya' Sises Kurai e'mu'sa'kasa' teriku'pu apai poro, ⁴Papa nukupu'pu

uuiwano' kon pe epoto' ya' Epun po nenkurunpayai'ne', iyenki'siimu'na p̄ra, iya'mota p̄ra, ima'ta p̄ra ri iyese miri yau. ⁵Apurito' auya'nokon poro, Papa meruntir̄ uya awapu'ti kon epika'tin nito' uyep̄ p̄'ku pona, iyekonekasa' na'ne' usenpoikan pi' pata weyu u'ma'sa' a'tai. ⁶Miri pe iyese pi', pori' pe e'ti', aka'ne' pe ru'kw̄i ri tu'kan ni i'tupi'nito' yau iyekota'mato' kon pe kuru ri iye'sa' e'tane. ⁷Seri ton e'seposa' Papa apurito' auya'nokon—epe'kena' kor̄ entaino t̄uma'tasen ti'tusa' ri e'tane apo' ke, miri entai ri Papa apurito' auya'nokon esi ti'tusen pe—miripan usenpoikasa' e'to' pe i'nairon apuripit̄ pe, eke pe kuru iku'to' pe miri awonsi'ki inama Sises K̄rai usenpoika weyu a'tai. ⁸Ensa' auya'nokon p̄ra ri iye'tane, i'nunka auya'nokon; ensa' auya'nokon p̄ra ri iye'tane seri pe, apuri auya'nokon, miri pi' si ipan pe pori' pe iwesi kon, eke pe ri, ekama poken p̄ra ri, ⁹ap̄ne p̄ra Papa apurito' epe'p̄ pe iyese aya'kwar̄ kon epika'tito' eporo auya'nokon.

¹⁰Seri si epika'tin nito' pi' pu'kena' am̄ t̄usauro'san, wak̄ nonkasa' t̄uye'ton pi' ipiya'nokon, uya iwarinpa'p̄ t̄uta'kwar̄kai' miri awonsi'ki ti'tui' kuru ri. ¹¹Iwarinpa pi' ri to' esi'p̄ i'ri a'tai iweyu esi, nai kasa iyep̄ tukai', K̄rai A'kwar̄ to' yau te'sen nekaman̄, miri a'tai isekamasa' ru'p̄ pena K̄rai ekota'mato' miri awonsi'ki a'kwa

t̄uye'ton ite'ma'p̄ ta' tukai'. ¹²To' ena' isenpoika'p̄ tiwano' kon pe tapiyo' kon pe to' esi pen tukai', e'tane imiri'nokon iwano' pe, to' usaurok̄ a'tai ekamasa' ru'p̄ pi', kamoro wak̄ itekare ekamanin nan ipi'nokon wini, Wak̄ A'kwar̄, Epun poi enno'sa' wini. Inser̄ am̄ ri niri enuriku seri ton inenpai.

Waku Pe E'ti'

¹³Miri pe iyese pi', iusenuminkato' kon ikonekati' iku'nin pe; iiwano' kon pe ise'se'titi'; iye'ku'to' kon pi' ekonekati' ip̄'ku pe p̄ra, wak̄ nonkasa' pi' iyena'nokon te't̄uton Sises K̄rai usenpoika a'tai. ¹⁴Main awiron kon m̄re am̄' kasa, iri eseru i'sero' kon pe ke't̄u, i'tu auya'nokon p̄ra iyese a'tai iwesi'p̄ kon kasa. ¹⁵E'tane wak̄ pe e'ti' tanporo inkup̄n̄ kon yau, k̄ri ri iki'manin kon esi wak̄ pe na'ne' kasa; ¹⁶ap̄ne p̄ra iye'menukasa' uya: “Wak̄ pe e'ti', ap̄ne p̄ra wak̄ pe uri esi pi',”^a tasa'.

¹⁷Ikuip̄n̄, esa'nin pe si iwesi pi' ka'pon t̄rawasooi eseru aimenkanin pe te'sen k̄ri ri tenu yawon ke p̄ra, iuko'manto' kon weyu enno'ti' seri yau te'namai' ipi' ka'k̄ran pe. ¹⁸I'tu auya'nokon ni t̄uma'tasen ni kor̄ miri pe p̄ra sir̄pa ke imo'kasa' kon p̄ra iyese, itenp̄'p̄ pe ri iuko'manto' kon apai atamokori kon piyapai iyena'nokon iye'kwiri'sa' na'ne', ¹⁹e'tane i'nunkena' K̄rai m̄n̄, karimeru m̄re imaku'pi pen miri pe p̄ra

^a 1:16 Ripaiti'kas 11:44-45; 19:2; 20:7

ma'takū'pan pen ke. ²⁰Anūnsa' kūrī ri pena ri non ekoneka rawīri ri, e'tane isenpoikasa' iweyu u'matū pi' iiwano' kon pe. ²¹Kūrī ri poro Papa apurī auya'nokon, i'mū'sa'kanin nū'pū iyeri'sa' apai, miri awonsi'ki eke pe iku'sa' iya. Miri pi' si apurito' auya'nokon miri awonsi'ki iye'ku'to' kon esi Papa yau.

²²Seri pe si iyekorūkasā' kon i'napairon awīri iwesi kon wini, i'nai ri itonpa kon i'nūnkanin pe iwesi kon pa, isi'nūnkatī' ipan pe, tanporo iyewan kon pokon pe.^b ²³Apūne pūra iyentuka'sa' kon kanan, tūma'tasen itena'pi apai pen e'tane tūma'tasen pen apai, tiwiro' ri tūko'mansen Papa Maimu poro. ²⁴Apūne pūra,

“Tanporo ka'pon amū' esi
wana' kasa,
tanporo eke pe iku'to' esi
pata ipūru kasa;
wana' esi taipūtasen miri
awonsi'ki
pata ipūru pe te'sen
uta'pokū,

²⁵e'tane Itepuru Maimu esi
tiwiro' ri.”^c

tasa'. Seri seri itekare ipi'nokon isekamasa' rū'pū.

2 ¹Miri pe iyesi pi', iri pe e'pai e'nito', enku'tinin pe e'nito', wakū pe e'ku'nito', ikintan nito', miri awonsi'ki tanporo ri iri pe ka'pon pi' usauro'nito' inonkatī'. ²Mūre amū' emen entusanon kasa esukenan iya'kwarū merū' i'se e'ti',

iusemo'ka kon pa iyepika'tito' kon yau, ³seri si onpasa' auya'nokon Itepuru esi wakū pe tukai'.

Nurinan Ti' Miri Awonsi'ki Anūnsa' Kon Ka'pon Amū'

⁴Iyepū kon koro'tau ipiya', Nurinan Ti' kasa te'sen—ka'pon amū' newaruma'ti'pū, e'tane Papa uya anūnsa' i'nūnkena' pe tūnkupūnū—⁵imiri'nokon ni niri esi nurinan ti' kasa, to' nami'pū ita'kwarū iuti pe, wakū pe te'san, use'man nito' tūrawasomanin ye' pe ri, intūrunū use'man nito' esi ita'kwarū yau Papa nanamūnū pe ri, Sises Kūrai poro ri. ⁶Itekare iye'menukasa' uya ta:

“Enti', ti' tūsa' uya Sayan po,
anūnsa' miri awonsi'ki
i'nūnkena' itekun airon ti',
miri awonsi'ki kūrī apurinin
e'turū pūra iyesi miri
epiyi'nito' ya!”^d

tasa'. ⁷Seri si, imiri'nokon apurinin nan pona, ti' esi i'nūnkena' pe, e'tane kamoro apurinin nan pen pona,

“Ti', aminin nan
newaruma'ti'pū
ena'pū itekun airon pe,”^e

tasa', ⁸miri awonsi'ki,

“Ti' ka'pon amū' e'pi'poto'
ipona,
ti' to' uta'mo'kato' pe ri
iku'nin,”^f

tasa'. To' e'pi'po apūne pūra itekare awīri pūra to' esi pi'—mirito' pe ri niri to' esi'pū.

^b 1:22 Tūron ni imenukasa' ton uya, wakū iyewan kon apai ta. ^c 1:24-25 Aisaya 40:6-8 ^d 2:6 Aisaya 28:16 ^e 2:7 Eren 118:22 ^f 2:8 Aisaya 8:14

2:3 Eren 32:8

⁹E'tane imiri'nokon kamoro anansa' kon ka'pon amu', kin iwano' pe use'man nito' tarawasomanin nan pe, waku tapataron kon, ka'pon amu' Papa iwano' ton, ekamanin pe iwesi kon apuripi'to' auya'nokon iki'manin nu'pu kon ewarupi apai waku ri taweyu ya'. ¹⁰Pena Papa munki amu' pe pura ri iwesi'pu kon, e'tane seri pe si imunki amu' pe me'atui'; pena usentu'man nito' anansa' auya'nokon pura iyesi'pu, e'tane seri pe si usentu'man nito' anansa' auya'nokon man.

¹¹Utonpa ton nu'kwi, iyekama'po uya 'nokon innon kon, ka'kuran amu' pe te'san seri non po, isi'numatu' iri eseru i'se iwe'to' kon apai, aya'kwaru kon ewa'noma pi' na'ne'. ¹²Papa apurinin nan pen koro'tau waku pe iko'manti', to' uya ri iyaseru'titane'nokon iye'to' pe pura ri ikupu auya'nokon tukai', to' uya waku iyaseru kon ento' pe, miripan a'kwa eke kuru Papa meruntiru apuripi'to' pe to' uya iye'sa' uyense'na'nokon a'tai.

**E'tun Nito' Pata Esanon
Miri Awonsi'ki Esanon Ena'**

¹³E'tuti', Itepuru esi pi' ri, tanporon kon itepuru ton ena' ka'pon amu' koro'tau anansa' kon: kin ena' ri, eke kuru itepuru pe; ¹⁴miri pe pura kopuna amu' ri, inennoko'san kamoro ekaman ku'nin nu'san kota'mai', kamoro iye'to' pe iku'nin nu'san apuripitu'ma. ¹⁵Apune pura Papa

eseru ri miri waku kupu wini i'tui'ma pura iya'kwaru panon kon ka'pon amu' usauro'to' e'paka'nu'to' auya'nokon. ¹⁶Iko'manti' inu' enawon kon ka'pon amu' pe pura, e'tane inu' enau pura iwe'to' kon kuse'nin, iri kupu auya'nokon wapu pe; iko'manti' riken Papa poitoru ton pe. ¹⁷Tanporon kon ni tnamai' e'ti': apurinin nan itonpa kon amu' ti'nankai' e'ti', Papa inamati', kin tnamai' e'ti'.

¹⁸E'tuti', poitoru ton purata ke te'masan pen, iyepuru kon ena', tanporon yau to' nama auya'nokon pe, kamoro waku ton pe na'ne' nan miri awonsi'ki tausenuminkasan niken pen, e'tane kamoro isi pe ri niri iku'nin nan kon. ¹⁹Apune pura tapuripi'sen pe ka'pon esi miri iwenai pura ri e'ne' moronkanin pe iyesi yau, apune pura Papa i'tu tauya pi' miri kasa iyesi. ²⁰E'tane iwenai apanta'mato' kon eporo auya'nokon yau, iye'to' pen ni ku'sa' auya'nokon pi' imoronka auya'nokon, i'ri eporo auya'nokon? E'tane e'ne' moronka auya'nokon yau, waku kupu auya'nokon wenai, imoronkati' ri, seri pi' ayapuri-pitu kon miri Papa piyau. ²¹Seri pona iki'masa' kon miri, apune pura Kurai uya e'ne' moronka'pu iiwano' kon pe, ento' auya'nokon ipi' tnonkai', ite'ma'pu poro iuti kon pa. ²² "Makoi kupu'pu iya pen ni, kasi ye' pe iye'to' eporo to' uya pura ri iyesi'pu inta nau,"^g

ta. ²³To' uya tusapema a'tai, i'ri ta iya p̄ra iyesi'p̄ to' sapema pe; e'ne' moronka t̄uya a'tai, to' enari'pa'p̄ iya pen ni. E'tane ru'ku, iye'tar̄p̄ iteseru aimenkanin wak̄ pe ena'. ²⁴K̄ri ri uya ri umakooi kon ari'p̄ t̄pun yau kurusu' po, miri kasa si eri'nito' pe makoi ya', ipoken e'nito' iwano' pe; ari'po'pi'sa' pata'p̄ wini iusepi'tisa' kon miri. ²⁵Karimeru utano'ma kasa iwesi'p̄ kon, e'tane seri pe si iyenna'posa' kon aya'kwar̄ kon Esa' miri awonsi'ki aya'kwar̄ kon Ennin piya'.

**No'p̄ Ton Miri Awonsi'ki
Taan'p̄ Ton**

3 ¹No'p̄ ton, miri kasa ri mari ataan'p̄ kon ena' e'tuti', to' tonpa ton uya main apuri p̄ra iyesi yau, to' i'kwiri'to' pe apurito' winiki' inkup̄n̄ kon wini, ausaurok̄ kon wini pen, ²wak̄ pe, Papa t̄namai' iuko'mam̄ kon ene to' uya a'tai. ³Ayama'nom̄ kon kuse'nin kipo'po ri iye'riwuntisa' kon wini, inse' ka'pi'sa' pe miri awonsi'ki kor̄ konekasa' ri iriw̄n kon pe miri awonsi'ki wak̄ ton ni ipon kon pe. ⁴E'tane ru'ku, a'nau'nokon nesii, ama'non pe p̄ra tenasen pen i'si'm̄n yai e'nito' miri awonsi'ki t̄npan iya'kwar̄ pe, eke kuru itepe' Papa enu yau. ⁵Ap̄ne p̄ra seri kasa penaro' kon wak̄ ton uri'sami'si am̄' Papa ena' te'ku'to' kon nonkanin nan enapi'p̄t̄p̄ ama'non pe. T̄taan'p̄ kon ena'

te'tuse to' e'pi'p̄t̄p̄, ⁶Sera kasa, Ep̄ra'an maimu awiron miri awonsi'ki tepuru pe esa'nin. Imunki am̄' imiri'nokon, ipokena' pe te'sen kup̄ auya'nokon yau, nari' ya' te'tuse p̄ra.

⁷Taan'p̄ ton, miri kasa ri mari t̄usenunkai' te'san pe e'ti' ino'p̄ kon pokon pe iuko'mam̄ kon koro'tau, to' pari t̄namai' i'si'm̄nnon iisakon kon pe, miri awonsi'ki ipokon pe wak̄ uko'man nito' epoton kon, i'ri uya ri iwip̄remato' kon wa'kut̄ namai'.

Ekota'man Wak̄ Kup̄ Wenai

⁸Iye'nonka pe, tanporo imiri'nokon, isi'kaisa ri iseseru yau iko'manti', itonpa kon pi' t̄usenunkai', isitonpa pe t̄usi'n̄nkai', aiko ta auya'nokon enpoika auya'nokon pe miri awonsi'ki mi pe te'ku'san pe p̄ra. ⁹Iri te'mai' p̄ra iri ke e'ti', miri pe p̄ra e'sapeman, e'sapeman ke, e'tane ip̄reman ke, ap̄ne p̄ra seri pona iki'masa' kon miri, Papa uya ip̄remato' kon pe. ¹⁰Ap̄ne p̄ra,

“In̄' ri uko'man nito'
i'n̄nkanin,
wak̄ pe iko'manpaino
tani enkurunpai iri apai
miri awonsi'ki t̄nta,
enku'tinin pi' isaurok̄
namai'.

¹¹Iri apai nera'tii wak̄
ku'se'na;

tūsewankamai' pūra
e'nito' warinpai miri
awonsi'ki iporo te'to' pe.

¹²Apūne pūra Itepuru enu esi
ipokena' pe te'san ene pi',
miri awonsi'ki ipana to'
ipūrema eta pi',
e'tane Itepuru emū' ri ken
esi miri iri ku'nin nan
ewa'noma pi',^h

tasa'.

¹³Inū' uya e'ne' pe ikupū kon
wakū inku'pai iyesi kon pi'?
¹⁴E'tane ri iyekota'ma kon pe ri
iyesi yau, ipokena' kupū auya'nokon
pi', ipūremasa' pe ri iyesi kon miri.
“To' enari'panin iyenari'pati'nin;
ketūipi'tū.”ⁱ ¹⁵E'tane iyewan
kon yau Kūrai inamati' Itepuru
pe. Tekonekai' ri e'pi'ti' iye'ku'to'
kon ekama'popi'nin nan ei'nin
nan pe iyesi kon pa. ¹⁶E'tane
iku'ti' i'si'mūn yai miri awonsi'ki
tūnamasen pe, wakū pe iyewan
kon tūkonekai', miri a'tai kamo iri
pe iku'pai'nokon na'ne' nan wakū
inkupūnū kon Kūrai yau pi' ipiyi'to'
pe iri pe ipi'nokon tūsauro'sa' kon
pi'. ¹⁷Wakū pe pari iyesi iyekota'ma
kon wakū kupū auya'nokon wenai,
Papa eseru pe iyesi yau, iri kupū
auya'nokon wenai entai.

¹⁸Apūne pūra Kūrai eriku'pū'
amakooi kon wenai tikin ite'kwa,
miri enta' teri'ton pe pūra ri,

ipokena' pe te'san, ipokena' pe
te'san pen iwano' pe, ine'nin kon
pe Papa piya'. Uma'tan nito' ya'
itūrū'pū ipun tau, e'tane nurine
iyena'pū iya'kwarū wini, ¹⁹kūri ri
wini ri mari iti'pū itekare ekamai'
pariki'si tau te'san a'kwarū'san
piya', ²⁰pena main awiri iye'sa' kon
pen Papa enuri'tane tūseta'kai'
pūra Nowa a'tai'ne a' e'kapū
koro'tau. Miri yau, tu'kan kon pen
ni, ⁸kaisaron kon ka'pon amū'
epika'ti'pū tuna yai, ²¹seri si tuna
uya epa'taisiman nito' ekamasa',
ipika'ti kon pi' na'ne' seri pe—ipun
utoi'masa' korūka iya pen e'tane
Papa ekama'po wakū iyewan
kon e'sepoto' pe.^k Ipika'tisa' iya
'nokon Sises Kūrai e'mū'sa'kasa'
wini. ²²Iyenuku'pū na'ne' Epūn
pona, miripan esi Papa emiyatū
enwo'netū wini—inserū amū', eke
ton miri awonsi'ki pana'pano ton
itena' te'tusan pe.

Uko'man Ni Papa Iwano' Pe

4 ¹Miri pe si iyesi pi', Kūrai si
ekota'ma'pū tūpun yau esi'pū
na'ne' kasa ri mari, e'sepaaititi'
iteseru rū'pū ke, apūne pūra kūri
ri tūpun yau iyekota'masa' rū'pū
uya makoi nonkasa' miri. ²Miri
moron nū'pū pe, seri non po si
tūuko'mamū koro'tau ka'pon e'to'
i'se awiri iko'mamū pen, e'tane

^h 3:10-12 Eren 34:12-16 ⁱ 3:14 Aisaya 8:12-13 ^j 3:18 eriku'pū, miri pe pūra
ekota'ma'pū ^k 3:21 e'tane Papa ekama'po wakū iyewan kon e'sepoto' pe; miri pe pūra,
e'tane epa'taisiman ta esi Papa auro'ka iku'to' pe imaimu awiri e'nito' pe, apūne pūra
wakū pe uyewan kon esi pi' iwinikūi' ta e'kwa pe iyesi.

3:14-15 Ma'siu 5:10 3:20 Iseneses 6:1—7:24

nin Papa e'to' i'se awiri. ³Apune p̄ra inke iuko'mansa' kon man Papa i'tunin nan pen nukup̄n̄u kup̄ pi'—ipan pe iri kup̄ pi' iko'manpai e'ni pi', iiwano' kon pen ni enkuui pe e'ni pi', e'taripan pi', ipi' ri te'kamai' e'taripan pi' miri awonsi'ki ekuman pi', miri awonsi'ki iri kuru ri nuirapanin ni papa tato' ipi' pe ika'sa' apurip̄i' pitu pi'. ⁴To' pona ti'tup̄i'sen pe p̄ra iyese ta'kir̄i'nokon iwesi kon kasa p̄ra miri ri mari e'ta'n̄u'nito' i'm̄n̄p̄ri ka' iusenasika kon kasa p̄ra, miripan kon uya si asapema kon. ⁵E'tane si t̄nkup̄a'p̄u kon ekamato' oton to' uya nurinan kon miri awonsi'ki iyeri'sa' kon eseru aimenkanin pe iye'kamasa' na'ne' ena'. ⁶Miri pe iyese wenai, waku itekare usekamasa' na'ne' iyeri'sa' pe ri na'ne' nan pi', to' eseru aimenkato' pe ka'pon eseru awiri ipun eseru pikiri, e'tane t̄uko'mansan Papa eseru awiri iya'kwaru pikiri.

⁷Tanporon ni u'ma'to' man a'ko pe. Miri pe si iyese pi', waku pe iusenuminkato' kon yau miri awonsi'ki iiwano' kon pe t̄ause'se'tii' e'ti' iwip̄rema kon pa. ⁸Tanporon entai, itonpa kon ti'n̄nkai' ipan pe e'ti', apune p̄ra usi'n̄nkan nito' uya tu'kan ni makoi n̄ponti. ⁹tonpa kon am̄' tereutan̄'se to' a're'titi' tentarunse p̄ra. ¹⁰Akaisari'nokon iya'kwaru n̄turu'p̄u iyena'nokon apuriti' t̄aron kon pika'ti pi', iyawiron pe esii'ma waku nonkasa' Papa uya i'si'taino' nan ni t̄uru pe.

¹¹Inu' ri usauroku pe iyese yau, tiwi n̄usaurokui Papa maimu pe kuru. Inu' ri esi yau apiyo' pe, tiwi nukup̄i Papa n̄turu'p̄u tumeruntiru ke, tanporon yau ri Papa apurip̄i'to' pe Sises K̄rai poro. Itiwano' pe ri eke pe iku'to' nesii miri awonsi'ki ipana'pano tiwiri ri, tiwiri ri. Amen.

Ekota'man K̄ri'san Pe E'ni Pi'

¹²Utonpa ton n̄a'kw̄i, kisewansiukat̄u, isi ri iit̄uto' kon yau iyekota'ma kon pi', ti'tup̄i'sen pen ni e'kup̄ kasa ri ipi'nokon. ¹³E'tane epori'mati' K̄rai ekota'mato' yau ri iwesi kon pi', miri pi' miri entai iyepori'ma kon pa eke pe iku'to' usenpoika a'tai. ¹⁴Asapema kon pe iyese yau K̄rai ese' wenai, waku eposa' auya'nokon miri, apune p̄ra iya'kwaru eke pe iku'to' miri awonsi'ki Papa A'kwaru esi pi' ipo'nokon. ¹⁵Iyekota'ma kon pe iyese yau, te'wisen pe iwesi kon pi' miri pe p̄ra ama' e' pe, miri pe p̄ra ti'tui' p̄ra ri iri ku'nin pe, miri pe p̄ra ri ka'pon am̄' eseru pi' ri t̄uko'mansen pe iwesi kon pi' ikota'ma kon kusemapu'tit̄u. ¹⁶E'tane nin, K̄ri'san pe iwesi kon pi' ikota'ma kon yau, kipiyi't̄u, e'tane Papa riken apurip̄i'ti' miri ese' esa' pe iwesi kon pi'. ¹⁷Apune p̄ra eseru aimenkato' weyu si epiya'tikap̄u Papa munki pi'; iyepiya'ti pe si iyese yau uri'nokon pi', i'ri kasa ken si iye'to' oton kamo waku Papa ekareei awiron kon pen pi'? ¹⁸Miri awonsi'ki,

“Sa'man pe ipokena' pe te'san epika'ti poken p̄ra iyesi yau,
i'ri pe ken si Papa uya tasa' pen ni awiri te'san miri awonsi'ki tumakooikena' nan e'to' oton?”¹

tasa'.

¹⁹Miri pe iyesi pi' ken si, kamoro Papa e'to' i'se pikiri tekota'masan ne'tur̄i tumaimu awiron tuka'nin n̄'p̄u kon ena' miri awonsi'ki wak̄u kup̄u pi' te'to' kon pe miyari ri.

Itepuru Ton Miri Awonsi'ki Moine Ton Enakan

5 ¹Itepuru ton i'kor̄o'tau'nokon te'san pi' ta uya, uri itepuru ri niri, Kurai ekota'ma ennin n̄'p̄u miri awonsi'ki eke pe iku'to' usenpoika a'tai epo ton: ²Papa ik̄un non iyenau'nokon na'ne' nan pa'simanin nan pe e'ti', to' ennin pe e'tur̄awasomati'—ayapiyo'ma kon pi' pen, e'tane ari'kena' pe iwesi kon pi' Papa e'to' i'se awiri; mentaino pe p̄ra p̄rata pi', e'tane e'tur̄awasomapaino ye' pe; ³kamoro iyena'nokon itusa' kon epuru pe ke'ku't̄uu, e'tane wak̄u Papa ik̄un non nenton ku'nin pe. ⁴Miripan si karimeru am̄' pa'simanin nan epuru usenpoika a'tai, a'kwa ayar̄ukooi kon, k̄aron eporo auya'nokon miri tenki'siimu'nasen pen ni.

⁵Moine ton, miri kasa ri mari e'tati' kīyi' am̄' ena'. Epontiti' mi

pe te'ku'se p̄ra e'nito' ke itonpa kon am̄' winikui', ap̄ne p̄ra,
“Papa uya mi pe te'ku'san ewaruma'ti,
e'tane mi pe te'ku'san pen pona wak̄u nonkasa' tur̄u iya.”^m

tasa'. ⁶Miri pe iyesi pi', mi pe te'ku'san pe p̄ra enati' eke Papa emiya o'no, ayan̄nto' kon pe iya i'se te'to' weyu a'tai. ⁷Tanporo ri ayanpok̄umanin kon eno'mati' itena', ap̄ne p̄ra amainanpanin kon pe iyesi.

⁸fiwano' kon pe t̄ause'se'tii', miri awonsi'ki tenu ke e'ti'. Iyeyaton kon, Makoi man t̄ayo' t̄nanton warinpa pi' rayan kasa. ⁹Inurunpati', pana' pe anapurin̄u kon yau e'm̄'sa'kati', ap̄ne p̄ra i'tu auya'nokon itonpa kon am̄' non em̄' kaisaron kon uya miri ri mari ekota'man nito' moronka.

¹⁰Papa, tanporon ni wak̄u nonkasa' esa', iki'manin kon n̄'p̄u tiwiro' ri a'kwa ya' Kurai yau, mara ra'kwi iyekota'ma'p̄u kon t̄apoi si ikoneka iya 'nokon miri awonsi'ki pana' pe ikup̄u iya 'nokon, ayap̄itan̄uku iya 'nokon, miri awonsi'ki t̄utamasen pe p̄ra ri ikup̄u iya 'nokon.

¹¹Tiwi merunti, tiwiro' ri nesii itenawon pe. Amen.

Iu'mat̄u Pe Ri Miyari Tato'

¹²Sairas " uya t̄upika'tii', uni'tun̄u, miri awonsi'ki i'napairon utonpa, to'ken n̄'kwi iyena'nokon imenuka uya ipori'mapit̄u uya

¹4:18 Ipu'ket̄u 11:31 ^m5:5 Ipu'ket̄u 3:34 ⁿ5:12 Kiri' *Sirupanas*, Sairas tato' t̄aron ni pe.

'nokon miri awonsi'ki ekama uya
seri esi i'napairo' kuru waku
nonkasa' Papa uya. Pana' pe iyau
e'ma'sa'kati'. ¹³Kuri Paperan° po
na'ne' anansa' ru'pu aya'kiri'nokon
uya miyari ta ipi'nokon, miri

kasa ri mari umu, Ma', miyari
nikayan. ¹⁴Itonpa kon pi' miyari
ka'ti' iusi'nunka kon pi' auta'su'ka
kon pe. Usewankaman nito' para
nesii ipiyau'nokon imiri'nokon
Kurai yau te'san.

° 5:13 *Paperan*—Isenpoikasa' karetaai yau na'ne' kasa, Ron pi' ta iya pe iyesi.

5:13 Inkupru'pu 12:12, 25; 13:13; 15:37-39; Koro'se 4:10; Pairiman 24